

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Akileraarutininik akiliisussaatsinnginneq

Erngup nukinga pillugu inatsit naapertorlugu akuersissutit tunniunneqarneranni akiliummik selskabit akileraarutaannut taartaasussamik aalajangersaasinnaanissaq, soorlu aatsitassarsiornermut inatsit naapertorlugu akuersissutinut tunniunneqartunut maannakkut taamaaliortoqareersoq, siunertaralugu akileraartarnermi inatsisip allangortinneqarnissaa pillugu siunnersuummik saqqummiussisoqarnissaa Inatsisartut UKA 2012/113-ip suliarineqarnerani isumaqataaffigaat.

Aalajangiinerup taassuma akileraarutininut tunngasortaata piviusunngortinneqarnissaa inatsisitsatut siunnersuummi immikkoortoq 1-ip siunertaraa.

Annaasassanut immikkoortitat

Siunnersuummi immikkoortoq 2 aningaaseriviit taarsigassarsiniartarfiillu akiligassalitsigut annaasaasa ilanngaatigineqartarnerannut tunngasuuvoq.

Annaasat nalinginnaasumik ilanngaatigineqarsinnaasarput, annaasat taakkulu amerlassusii ilumut annaaneqartutut paasineqaraangata. Tassa niuernerminik akiligassalitsigut annaasat ukiumi aningaasarsiorfimmi annaaneqarfianni inaarutaasumillu naatsorsorneqarfianni ilanngaatigineqarsinnaapput. Pisuni immikkut illuinnartuni taamaallaat, soorlu assersuutigalugu pigisanik aqutsisup uppersaanageratigut akiligassat tamarmiusut taakkuluunniit ilaasa amerlanerit annaaneqarnerat naatsorsuutigineqarsinnaavoq. Pisut immikkut illuinnartuut soorlu tassaasinnaapput akiligassallip akiliisinnaajunnaarnera, akilersuinerminik unitsitsinera, qanoq akiliinisamik isumaqatigiissuteqarnera, akiliisinnaassuseqannginneq assigisaaluunniit pissutigalugit atorunnaarsinneqarnera.

Aningaaseriviilli periuseq malillugu, taarsigassarsiarititigut annaasassanut immikkoortitanik akileraarutitigut sunniteqartussamik ilanngaateqarnissamut periarfissaqarput. Periutsip kinguneraa naatsorsuuserinerminik inatsisitigut maleruagassat Finanstilsynimit aalajangersarneqartut, aningaaseriviit taarsigassarsiniartarfiillu annaasassanut immikkoortitsinerinut atuuttut aammattaq akileraarutitigut naatsorsuinerminik tunngaviusussaanagerat. Aningaaserivinnut taarsigassarsiniartarfinnullu immikkut aaqquissuussineq taanna manna tikillugu inatsisitigut aalajangersagaannigilaq. Pineqartoq annaasat ilanngaatigineqartarneranni periutsinit nalinginnaasunit allaassuteqangaatsiarmat, allaassutip inatsisikkut aalajangersaavigineqarnissaa eqqornerpaasorineqarpoq.

Tamakkiisumik akileraaruteqartitsinerminik aaqquissuussineq

Tamakkiisumik akileraaruteqartitsinermut aaqqissuussinerup siunertaraa akileraaruserinermik allaffissornerup nunanit allaniit suliarortut ilaannut tunngatillugu pisarinnerutinnissaa. Pisariinnerunera tassaavoq pineqartut aningaasarsiamik tamarmiusut 35 procentii inaarutaasumik akileraarutitut taamaallaat akilertussaagaat, aammalu sulisut nammineerluni nalunaarsuiffinik akileraaruseriffimmut nassiussisussaannigitsut. Akileraarutissanik naatsorsuinermi inummut ilannga, ernianut aningaasartuutit il.il. eqqarsaatigineqartussaangillat.

Sulisut pineqartut ilaasa Kalaallit Nunaannut tamakkiisumik akileraartussaataalersinnaanerit, taamaammalu tamakkiisumik akileraaruteqartitsinermit aningaasarsiamik akileraaruteqaataasussat saniatigut allanik aningaasarsiaqarunik nammineerluni nalunaarsuiffimmit il.il. akileraaruseriffimmut nassiussisussaalersinnaanerit maannakkut aaqqissuussinermit ilanngunneqarsimanngilaq. Aamma taamaappoq pineqartut assersuutigalugu nunani allani aningaaserviinni uninngasuutiminnit erniatigut isertitanik amerlanngitsunik imaluunniit selskabimi nunami allamiittumi aningaasaliissuteqarsimanermikkut iluanaarutisianik amerlanngitsunik isertitaqarsimappata. Tamakkiisumik akileraartartut amerlasuut aatsitassarsiornermik ingerlatsinerup ineriartornera ilutigalugu nammineerlutik nalunaarsuissussaataasunut ilaalernissaat naatsorsuutigineqartariaqarpoq, naak taakkunanga ikinnerpaat nunanit allanit erniatigut isertitanik iluanaarutisianillu, Kalaallit Nunaannut akileraaruteqartussaaneermik kinguneqartussanik peqassagaluartut. Tamanna pingaartumik atuutissaaq sulisunut avataaneersunut tamakkiisumik akileraaruteqartitsinermit aningaasarsianik akileraaruteqaataasussanik ikinnerpaanik isertitaqartunut. Tamakkununga tunngatillugu nammineerluni nalunaarsuisussaataaanissamik il.il. aalajangiisimanninnissaq, akileraarutitigut isertitassatigut immaarsuaq amerliallassutaasusaaq naapertuussorinangilaq.

2. Inatsisissatut siunnersuutip imarisai pingaarnertit

Akileraarutit akiliisussaatsinnginnet

Siunnersuutigineqarpoq erngup nukingata innaallagissiornermut atorneqarnera pillugu inatsit naapertorlugu akuersissuteqarnermit selskabit suliffeqarfiillu, akuersissuteqarfigineqartup akuersissutaani tamanna allasimappat akileraarusiiffineqarnissaralut atorunnaarsinneqarsinnaassat. Akuersissuteqarfigineqartut taakku aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu akuersissuteqarfigineqartut pineqarnerattuulli pineqassapput. Siunnersuut erngup nukingata innaallagissiornermut atorneqarnera pillugu Inatsisartut inatsisaanni § 12-imut attuumassuteqarpoq.

Annaasassanut immikkoortitat

Siunnersuutigineqarpoq aningaaserviit taarsigassarsiniartarfiillu aningaasarsiamik akileraaruteqaataasussat naatsorsorneranni, taarsigassarsiarititat annikillissutaannut aamma qularna-veequsiissutitigut il.il. annaasassanut immikkoortitanut tunngatillugu naatsorsuuserinermi inatsisitigut maleruagassat aningaaserviimmut atuuttut malissagaat. Siunnersuutip siunertaraa aningaaserviit taarsigassarsiniartarfiillu taarsigassarsiarititat annikillissutaannik aamma qu-

larnaveeqquusiissutitigut il.il. annaasassanut immikkoortitanik ilanngaateqarsinnaanissaat inatsisikkut tunngavissiuunneqassasoq. Aningaaseriviit taarsigassarsiniartarfiillu annikilliliissutit immikkoortitallu pisariaqartut naammattullu, naatsorsuuserinermi inatsisitigut maleruagassat naapertorlugit ukiut tamaasa suliarisussaavaat. Aningaaserivinni ataasiakkaani aqutsisut naliertussaavaat immikkoortinneqartussat qanorpiaq amerlatigissanersut. Immikkoortitat taarsigassarsisitsinerit ataasiakkaat taarsigassarsisitsinerilluunniit aalajangersimasut qanoq annaasarqarfioratarsinnaanerannik naliliineq tunngavigalugu nalinginnaasumik pisarput. Aqutsisut naliliinerat naatsorsuutitigut saqqummiussinerit allat assigalugit Finanstilsynimit nakkutigisavoq. Annaasanik immikkoortitanillu naatsorsuutitigut akileraarutitigullu nalunaarsuinerit allannguinerup kingunerisaanik ataqatigiinnerulissapput.

Tamakkiisumik akileraaruteqartitsinermit aaqqissuussineq

Siunnersuutigineqarpoq tamakkiisumik akileraartartut 350.000 kr.-init ikinnerusunik aningaasarsiallit Kalaallit Nunaata avataaneersuneersunit erniatigut isertitaat ernianullu aningaasartuutaat kiisalu iluanaarutisiaat akileraaruserneqartassanngitsut. Aningaasarsiat allat maannamutuut akileraaruserneqartassapput. Aningaasarsiat ilanngaatitaqanngitsumik akileraaruteqaataasussat 350.000 kr.-iuppata amerlaneruppataluunniit, taava Kalaallit Nunaata avataaneersuneersunit erniatigut isertitat ernianullu aningaasartuutit kiisalu iluanaarutisiaat maannamutuut akileraaruserneqartassapput.

Siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Siunnersuut</i>
	§ 1
	Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, Inatsisartut inatsisaatigut nr. 10, 29. november 2013-imeersukkut kingullermik allanngortinneqartumi makku allannguitigitinneqarput:
§ 3, <i>Imm. 3.</i> Selskabinik suliffeqarfinnillu, Kalaallit Nunaanni atortussiassat aatsitassanit pisut il.il. pillugit inatsit naapertorlugu aatsitassanik iluaqutiginninniarsinnaanermut akuersissuteqarfigineqarsimasunik akileraaruser-suineq, aatsitassarsiornissamut pisinnaatitaaf-	1. § 3, <i>imm. 3</i> ima oqaasertaqassaaq: ” <i>Imm. 3.</i> Selskabinik suliffeqarfinnillu, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu aatsitassanik iluaqutiginninniarsinnaanermut imaluunniit erngup nukingata innaallagissiornermut

<p>feqalersup akuersissutaani aalajangersakkat malillugit, atorunnaassaaq.</p>	<p>atorneqarnera pillugu Inatsisartut inatsisaat naapertorlugu akuersissuteqarfigineqarsimasunik akileraarusersuineq, aatsitassarsiornissamut pisinnaatitaaffeqalersup akuersissutaani aalajangersakkat malillugit, atorunnaassaaq.”</p>
	<p>2. § 30, imm. 8-p kingornanut ilanngunneqassaaq: ”Imm. 9. <i>Imm. 9.</i> Aningaaseriviit aningaasarsiornermik suliaqarneq pillugu inatsimmi pineqartut, taarsigassarsiarititanut annikilliliissutit aamma qularnaveeqqusiissutitigut il.il. annaasassanut immikkoortitat ukiup aningaasarsiorfiusup naanerani aningaasartaat, aningaasarsiat akileraaruteqaataasussat, naatsorsuuserinermi inatsisitigut maleruagassat aningaaserivimmuut atuuttut naapertorlugit naatsorsorneranni ilanngaaticigissavaat. Aningaasalli annikilliliissutit immikkoortitallu aatsaat ilanngaaticigineqarsinnaapput annaasanut, akileraartarnermi inatsisini maleruagassat nalinginnaasut naapertorlugit ilanngaaticigineqarsinnaasunut tunngasuuppata. Aningaasarsiat akileraaruteqaataasussat naatsorsorneranni ilanngunneqassapput aningaasat ukiup aningaasarsiorfiusup siuliani annikilliliissutit ilanngaaticigineqarsinnaasut aamma immikkoortitat, tak. oqaaseqatigiit siulliit. Aalajangersagaq una taarsigassarsiniartarfinnut Kalaallit Nunaanni angerlarsimaffeqartunut taamatulli atuuppoq.”</p>
	<p>3. § 72 a, imm. 4-p kingornanut ilanngunneqassaaq: ”<i>Imm. 5.</i> Inuk imm. 1-imi taaneqartoq atorfeqartitaanerminut atatillugu ukiumi aningaasarsiorfiusumi 350.000 kr.-init ikinnerusunik</p>

	<p>aningsarsiaqarpat, Kalaallit Nunaata avataaneersuneersunit erniatigut isertitat, ernianut aningsartuutit aamma iluanaarutisiat, imm. 4 apeqquaatinnagu akileraaruserneqasannngillat.</p> <p><i>Imm. 6.</i> Inuk imm. 1-imi imaluunniit 5-imi aamma § 15, imm. 4-mi taaneqartuinnarnik aningsarsiaqaruni, akileraaruserinermik ingerlatsineq pillugu Inatsisartut inatsisaanni § 16 apeqquaatinnagu nammineerluni nalunaarsuiffimmik nassiuissinnngissinnaavoq.”</p> <p>Imm. 5 matuma kingorna tassaalissaaq imm. 7.</p>
<p>§ 72 b. <i>Imm. 2.</i> § 72 a, imm. 2-5-imi aalajangersakkat taamatulli atorneqassapput.</p>	<p>4. § 72 b, <i>imm. 2</i>-mi allassimasoq ”imm. 2-5-imi” allangortinneqassaaq ima: ”imm. 2-7-imi”</p>
<p>§ 76. <i>Imm. 2.</i> Akileraarutissanik ilanngaaneq pisassaaq ilanngaasussaaitap aningaasanik akileraarutissanik naatsorsuillunilu taakkuninnga aningsarsianit A-nit ilanngaaneratigut. Tamakkiisumik akileraartussaaitanut aningsaat taakku tassaapput akileraarutit A-nut akileraarutaagallartut, takuulli § 72 a, imm. 1 aamma 2 aammalu § 72 b. Killilimmik akileraartussaaitanut akileraarutit A-t ilanngaatigineqartut tassaapput inaarutaasumik akileraarutit.</p>	<p>5. § 76, <i>imm. 2</i>-mi allassimasoq ”§ 72 a, imm. 1 aamma 2,” allangortinneqassaaq ima: ”§ 72 a, imm. 1, 2 aamma 5”.</p>
<p>§ 79. <i>Imm. 2.</i> Akileraarutininik unerartitsineqalersinagu, takuulli § 72 a, imm. 1 aamma 2, aammalu § 72 b, qammammut, ullut 14-inut, sapaatip akunneranut ullormullu aningsarsianit A-nit ilanngaatigineqartussat akileraaruseriffiup skattekortimut allassavai. Inunnut</p>	<p>6. § 79, <i>imm. 2</i>-mi allassimasoq ”§ 72 a, imm. 1 aamma 2,” allangortinneqassaaq ima: ”§ 72 a, imm. 1, 2 aamma 5”.</p>

<p>tamakkiisumik akileraartussaaititanut ilanngaaitit tassaapput ukiumi pineqartumi aningaasarsiat akileraarutillu naatsorsorneranni ilanngaataassangatinneqartut tamarmik ilaat piffissanut pineqartunut naleqqussakkat. Inunnut killilimmik akileraartussaaitaasunut ilanngaaitit tassaapput akileraarutit naatsorsorneranni ilanngaatissaatinneqartussat ilaat piffissanut naleqqussakkat, tak. §§-it 2 aamma 66. Bikortimi ilanngaatissanik allassima-soqassanngilaq.</p>	
	<p style="text-align: center;">§ 2</p> <p>Inatsisartut inatsisaat ulloq 1. januar 2016 atortuulissaaq.</p>

3. Pisortanut aningaasatigut allaffissornikkullu sunniutissai

Aningaasatigut

Akileraarutininik akiliisussaaititsinnginneq

Akiliisussaatinneqanngitsut ilaneqarnerat piffissaq qaninneq eqqarsaatigalugu isertitassatigut sunniuteqassanngilaq, sulimi ingerlatanik taamaattunik aallartitsisoqanngimmat. Akileraarusiinissap atorunnaarnissaa pillugu piffissami ungasinnerusumi isumaqatigiissuteqartoqassapat tamanna pisortat iluanaarutit ilaannit pisassaasa (government take) ikilieriarnernannik amerleriarnernannillu kinguneqarsinnaavoq, isumaqatigiissutaasut imarisaasa ilusiligaanerisalu qanoq ittuuneri apeqqutaatillugit. Isertitassatigut sunniutaasussat paasissutissat pigineqartut tungavigalugit eqqoriarneqarsinnaanngillat.

Annaasassanut immikkoortitat

Aningaaseriviit taarsigassarsiniartarfiillu kalluarneqartussat annaasassanut immikkoortitsinerminni piviusorsioortumik, pissusitoqqamissulli missingersuisarnissaat naatsorsuutigineqarmat siunnersuutip isertitassatigut sunniuteqangaarnissaa ilimagineqanngilaq.

Tamakkiisumik akileraaruteqartitsinermut aaqqissuussineq

Siunnersuutip isertitassanut pitsaanngitsumik sunniutissai annikitsuinnaassangatinneqarput.

Allaffissornikkut

Akileraarutinin akiliisussaatitsinnginneq
Siunnersuut allaffissornikkut sunniuteqassanngilaq.

Annaasassanut immikkoortitat
Siunnersuut allaffissornikkut sunniuteqassanngilaq.

Tamakkiisumik akileraaruteqartitsinermut aqqissuussineq
Tamakkiisumik akileraaruteqartitsinermut aqqissuussinermik pisariillisaaneq akileraaruserif-
fiup nammineerluni nalunaarsuiffinnik misissuilluni inaarutaasumillu naatsorsuutinin nassius-
suilluni allaffissorneranut millisaataassaaq.

4. Inuussutissarsiutinin ingerlataqartunut aningaasatigut allaffissornikkullu sunniutissai Aningaasatigut

Akileraarutinin akiliisussaatitsinnginneq
Akileraarusiinissap atorunnaarnissaa pillugu piffissami ungasinnerusumi isumaqatigiissute-
qartoqassappat tamanna pisortat iluanaarutit ilaannit pisassaasa (government take) ikileriarne-
rannik amerleriarnerrannillu kinguneqarsinnaavoq, isumaqatigiissutaasut imarisaasa ilusili-
gaanerisalu qanoq ittuuneri apeqquataatillugit. Taakku qanoq amerlatiginissaat paasissutissat
pigineqartut tunngavigalugit eqqoriarneqarsinnaanngilaq.

Annaasassanut immikkoortitat
Aningaaseriviit taarsigassarsiniartarfiillu kalluarneqartussat annaasassanut immikkoortitsiner-
minni pivusorsiortumik, pissusitoqqamissulli missingersuisarnissaat naatsorsuutigineqarmat
siunnersuutip aningaaseriviit taarsigassarsiniartarfiillu aningaasarsiaannut akileraaruteqaataa-
sussanut sunniuteqangaarnissaa ilimagineqanngilaq.

Tamakkiisumik akileraaruteqartitsinermut aqqissuussineq
Siunnersuut inuussutissarsiutinin ingerlataqartunut aningaasatigut sunniuteqassanganneqan-
ngilaq.

Allaffissornikkut

Akileraarutinin akiliisussaatitsinnginneq
Siunnersuut allaffissornikkut sunniuteqassanngilaq.

Annaasassanut immikkoortitat
Siunnersuut allaffissornikkut sunniuteqangaassanganneqanngilaq.

Tamakkiisumik akileraaruteqartitsinermut aqqissuussineq

Tamakkiisumik akileraaruteqartitsinermit aaqqissuussinermit pisariillisaaneq inuussutisarsiuutit ingerlataqartunut allaffissornikkut sunniuteqassanngilaq.

5. Avatangiisinut, pinngortitamut inuillu peqqissusiannut sunniutissai

Siunnersuutip avatangiisinut aamma/imaluunniit pinngortitamut sunniuteqarnissaa, inuilluunniit peqqissusiannut sunniuteqarnissaa naatsorsuutigineqanngilaq.

6. Innuttaasunut sunniutissai

Akileraarutit akiliisussaatisinnginneq
Siunnersuut innuttaasunut sunniuteqassanngilaq.

Annaasassanut immikkoortit
Siunnersuut innuttaasunut sunniuteqassanngillat.

Tamakkiisumik akileraaruteqartitsinermit aaqqissuussineq
Tamakkiisumik akileraaruteqartitsinermit aaqqissuussinermit pisariillisaaneq kallarnerqartussat aningaasarsiaasa akileraarusiiffigineqarnerannik pisariinnerulersitsissaaq.

7. Sunniutissai pingaarutillit allat

Inatsisissatut siunnersuut pingaarutilinnik allanik sunniuteqassanngilaq.

8. Oqartussaasunik kattuffinnillu il.il. tusarniaaneq

Siunnersuut 2015-imi piffissami 2. junimiit 3. julimut ukununga tusarniaassutigineqarpoq:

SIK, Sulisitsisut (GE), NUSUKA, GrønlandsBanken, Banknordik, KANUKOKA, Naalakkersuisut Siulittaasuata Naalakkersuisoqarfia, Aatsitassanut Ikummatissanullu Naalakkersuisoqarfik, Inuussutissarsiornermit, Suliffeqarnermit Niuernermullu Naalakkersuisoqarfik.

Tusarniaanermi akissutisiffigineqarput: Aatsitassanut Ikummatissanullu Naalakkersuisoqarfik, Grønlandsbanken, SIK, Sulisitsisut (GE) aamma Inuussutissarsiornermit, Suliffeqarnermit Niuernermullu Naalakkersuisoqarfik.

Tusarniaanermi akissutigineqartut imaattunik oqaaseqaateqarfigineqarput:

Suliffeqarfiit erngup nukinga atorlugu nukissiortut akileraartinneqartarnerannik atorunnaarsitsinissaq, sulisui akileraarutininik A-nik akiliisinneqartuattillugit Sulisitsisut (GE) akornutissaqarsorinngilaat. Akileraarutininik akiliisussaatsinnginnerup piffissamik killiligaanissaa pisuni ataasiakkaani isummerfigineqartarsinnaavoq.

Erngup nukingata innaallagissiornermut atorneqartarnera pillugu Inatsisartut inatsisaanni nr. 11, 8. juni 2014-imeersumi § 12-imut naapertuuttunngortitsinissaq siunnersuutip siunertaaraa. Naalackersuisut akuersissummik tunniussinerminni akuersissuteqarfigineqartup akiliutissaanik angissusiliinerminnut atatillugu akileraarutininik akiliisussaatsinngissinnaanerat siunnersuutip kingunerissavaa. Isumaqatigiissutit ataasiakkaat akileraarutininik akiliisussaatsinnginnissap piffissamik killiligaanissaanut aalajangiisuussapput.

Kommuninut ataatsimut akileraarutip atorunnaarsinneqarnissaanik siunnersuut Sulisitsisut (GE-p) oqaaseqaateqarfigaat.

Siunnersuut 2. juni 2015-imi tusarniaassutigalugu nassiunneqartoq kommuninut ataatsimut akileraarutip atorunnaarsinneqarnissaanik siunnersuummik imaqqarpoq. Kingorna aalajangiunneqarpoq kommuninut naligiissaarisarnerup aaqqissuussaanera, matumani aamma kommuninut ataatsimut akileraarut allanngortinneqassanngitsut. Aningaasaqarnermut Naalackersuisoqarfik tusarniaaffigineqartunut 17. juni 2015-imi mailimik nassiussivoq, inatsisissatut siunnersuutip tassunga tunngasortaa isummerfigineqassanngitsoq nalunaarutigalugu.

Tamakkiisumik akileraaruteqartitsinermik aaqqissuussinermut allannguutissanut tunngavilersuutit Sulisitsisut (GE-p) akueraat. Iluanaarniarqarnissaali pinngitsoortinniarlugu, sulisut nunanit allaneersut nunatsinneersullu immikkoortinneqarnissaat pisariaqarsinnaasoq Sulisitsisut (GE) isumaqarput.

Tamakkiisumik akileraaruteqartitsinermik aaqqissuussinermi pineqartunut ilaassagaanni inuup nunami maani kommunimi qaammatini kingullerni arfinilinni akileraartussaataasi-mannnginnissaa § 72 a, imm. 1 naapertorlugu piumasaqaataavoq. Aaqqissuussineq taanna ajornartorsiutinut Sulisitsisut (GE-p) tikkuugaannut aaqqiissutigissallugu pitsaaneruvoq, sulisut nunanit allaneersut nunatsinneersullu immikkoortinnissaat ajornakusoortorujussuussammat.

Tusarniarneqartut allat tusarniaanermi akissuteqartut siunnersuummut oqaaseqaatissaqanngilat.

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Siunnersuutigineqarpoq erngup nukingata innaallagissiornermut atorneqarnera pillugu inatsit naapertorlugu akuersissuteqarnermi selskabit suliffeqarfiillu, akuersissuteqarfigineqartup akuersissutaani tamanna allassimappat akileraarusiiffiqineqarnissaralui atorunnaarsinneqarsinnaassasut. Akuersissuteqarfigineqartut taakku, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu akuersissuteqarfigineqartut pineqarnerattuulli pineqassapput.

Aalajangersakkap oqaasertaata allaqqinneqarnissaa oqaatsit pissutigalugit siunnersuutigineqarpoq. Aalajangersakkap ilaata, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu akuersissuteqarfigineqartunik akiliisussaatisninginnissamik piginnaatitsinermit tunngasup imarisamigut atuuffimmigulluunniit allanngortinneqarnissaa tassuunakkut siunertarineqanngilaq.

Erngup nukingata innaallagissiornermut atorneqarnera pillugu inatsit naapertorlugu akuersissummik peqartoq kisimi tassaavoq aningaasarsianit akileraarutit pillugit inatsimmi malerua-gassat naapertorlugit tamakkiisumik ilaannaakuusumilluunniit aningaasarsianit akileraarutininik akiliisussaatinneqanngissinnaasoq.

Akuersissutip atuuffia qaangiuppat, akuersissut atorunnaarpat, akuersissut utertinneqarpat, akuersissut tunineqarpat allatulluunniit pippat akileraarutininut akiliisussaatinneqannginneq atorunnaassaaq. Aamma taamaappoq akuersissuteqarnermi piumasaqaataasut annertuumik allannguuteqarpata. Allannguutitut annertuutut isigineqarsinnaasut ilaatigut tassaapput akiliutissap akuersissummik peqartup akiligassaata allannguuteqarnera, ingerlatat akuersissummi il.il. pineqartut ilaneqarnerat ilanngarneqarneralluunniit.

Akuersissut inatsisitigut sinniisuusumit pigineqarpat, taannalu piginnittunut allanut tamakkiisumik ilaannakuusumilluunniit tunniunneqarpat akileraarutininut akiliisussaatinneqannginneq atuutiinnassaaq.

Siunnersuullu erngup nukingata innaallagissiornermut atorneqarnera pillugu Inatsisartut inatsisaanni § 12-imut attuumassuteqarpoq.

Nr. 2-mut

Siunnersuutigineqarpoq aningaaseriviit taarsigassarsiniartarfiillu aningaasarsiamik akileraaruteqaataasussat naatsorsorneranni, taarsigassarsiaritit at annikillissutaannut aamma qularnaveeqqusiissutitigut il.il. annaasassanut immikkoortitanut tunngatillugu naatsorsuuserinermi inatsisitigut maleruagassat aningaaserivimmu at uuttut malissagaat.

Maleruagassaq aningaaserivinnut, matumani aamma aningaaseriviit immikkoortortaqaarfiinut aalajangersimasumillu ingerlatsivinnut allanut Kalaallit Nunaanni angerlarsimaffeqanngitsunut, aamma taarsigassarsiniartarfinnut Kalaallit Nunaanni angerlarsimaffeqartunut atuuppoq. Taarsigassarsiniartarfiit nunanit allaneersut aningaasarsiatik § 36, imm. 4-mi maleruagassat naapertorlugit maannamutuut naatsorsortassavaat.

Aningaaseriviit taarsigassarsiniartarfiillu il.il. aningaasarsiamik akileraaruteqaataasussat naatsorsorneranni naatsorsuutitigut immikkoortitat siunnersuut naapertorlugu ilanngaatisinnaasavaat. Immikkoortitsinissap qaqugukku pisariaqarneranut naatsorsuutitigut piunasaqaatit, annaasat ilanngaatigineqarsinnaatinnagit akileraarutitigut piunasaqaatit assigisariaqanngilaat. Annaasat akileraarutitigut aatsaat ilanngaatigineqarsinnaappu annaasat paasineqarpata annaaneqarneralluunniit qularnarunnaarsinneqarpat.

Taarsigassarsiaritit qularnaveeqqusiinerillu il.il. ilaatigut tassaappu taarsigassarsiaritit aamma qularnaveeqqusiinermu akiligassallit, ilaatigullu tassaallutik taarsigassarsisitsisarfinit pisassat allallu akiligassalitsigut annaaneqaratarsinnaasut.

Naatsorsuuserinermi maleruagassat tassaappu naatsorsuutinik suliaqarnermi maleruagassat inatsisitigut aalajangersagaasut Kalaallit Nunaanni sukkulluunniit atuuttu aamma nalunaarutitigut maleruagassat allaffitsigoortumik aalajangersagaasut.

Immikkoortitat annaaneqanngitsoortu ukiumi aningaasarsiorfiusumi, immikkoortitsisimane-ru tunngavissaarussimanerata naatsorsuutitigut paasineqarfigisaanni aningaasarsiat akileraaruteqaataasussat naatsorsorneqarneranni aningaasarsiatu ilanngunneqassappu.

Aaqqissuussinermi periuseq tassaavoq aningaaseriviup, ukiut aningaasarsiorfiusut tamaasa, ukiup siuliata naanerani immikkoortitani isertitatut nalunaarsortassagai ukiullu aningaasarsiorfiusup naanerani immikkoortitat ilanngaatisassagai. Taamaaliornerup kingunerisarpaa ukiup aningaasarsiorfiusup naanerani naatsorsuutitigut immikkoortitat ukiup aningaasarsiorfiusup siuliata naanerani immikkoortitanit amerlaneruppata, taava amerlanerussutaasut aningaaseriviup ilanngaatisassagai. Akerlianik pisoqarluni ukiup siuliata naanerani naatsorsuutitigut immikkoortitat ukiup aningaasarsiorfiusup naanerani immikkoortitanit amerlaneruppata, taava aningaaseriviup taakku isertitatut nalunaarsussavai. Ilanngaatissat ilanngaatigereerlugit kingu-

nerat tassaavoq ukiumiit ukiumut immikkoortitat allanngorarneri aningaasarsiat akileraaruteqaataasussat naatsorsorneranni ilanngunneqartarnissaat.

Ukiup naanerani naatsorsuutitigut immikkoortitsineq tassaavoq aningaaseriviup taarsigassarsiarititigut aamma qularnaveeqqutitigut il.il. annaasasaanik tamarmiusunik immikkoortitsineq. Ukiup naanerani immikkoortinneqartut tassaapput taarsigassarsiarititigut qularnaveeqqusinerillu ataatsimut nalingisa annikillissutaat.

Taarsigassarsiniartarfiit ilaannaat siunnersuummi pineqarput, tassa imaappoq aningaaseriviit akuersissut immikkut ittoq imaluunniit inatsimmi tunngavissaq immikkut ittoq naapertorlugu taarsigassarsisitsisarnermik ingerlataqartut, aammalu naatsorsuutitigut immikkut akuerisaasumit ingerlaavartumik nakkutigineqartut kisimik. Aamma imaappoq aningaasersivik taarsigassarsisitsisarnerinnavimmik ingerlataqartuussanngitsoq, aammali aningaasaanik uninngasuutillit obligationinilluunniit pisisimasut tungaannut aningaasatigut sukkulluunniit qulakkeerinnittusaasoq.

Siunnersuutaaq isumaqarpoq selskabit aningaaserivinnit taarsigassarsiniartarfinnillu pigineqartut taamaallaat naatsorsuutitigut immikkoortitat ilanngaatisinnaammatigik, selskabi pigisaq nammineerluni aningaaserivimmik taarsigassarsiniartarfinnilluunniit ingerlataqarpat.

Aningaaseriviit maleruagassat siunnersuutigineqartut naatsorsueriaaserluunniit alla, soorlu tuninerani akiusup pisiarineqarneranilu akiusup assigiinnngissutaattut naatsorsueriaaseq, atorumanerlugu aalajangersinnaanngilaat. Taamaammat siunnersuut, aningaaseriviit ukiumi isertitaqarfiulluurtumi taamatullu aamma aningaasarsiat akileraaruteqaataasussat amerlasuujusinnaaffianni naatsorsuutitigut immikkoortitanik ilanngaateqarnissaminnik, kingusinnerusukkullu ukiumi akileraarutitigut amerlasuunik amigartooruteqarfiusuni immikkoortitsisarnermik atuinginnissaminnik piumasaannarminnik aalajangiinissaannut aporfiusaaq.

Aamma siunnersuut isumaqarpoq immikkoortitat immikkorluinnaq amerlassuseqartut, aningaaseriviit ajornartorsiortut akiliisinnaajunnaarnerannut atatillugu Finanstilsynip immikkoorteqqullugit piumasaqaatai, aningaasarsiat akileraaruteqaataasussat naatsorsorneranni ilanngaateqassasut. Tassuunakkut qulakkeerneqassaaq annaasat, taamatullu aamma akileraarutitigut ilanngaatisat aningaaserivimmik taarsigassarsiniartarfinnilluunniit pinngorfiannut inisinneqarnissaat. Tassa imaappoq, soorlu aningaaseriviit marluk akileraarusinertaqanngitsumik kattuppata, taava taarsigassarsiarititigut akileraarutitigut qaffasissumik nalillit nuuinneqarsinnaanngillat, naak immaqqa aningaaseriviup unittup taarsigassarsiarititai Finanstilsynip piumasaqarneratigut naatsorsuutitigut appasinnerusumik naleqartussanngorlugit annikillilernerqarsimagaluartut. Naatsorsuutitigut naliliussat akileraarutit angissusilerneqarnissaanni tun-

ngaviunissaat, matumani aamma akileraarusiinertaqanngitsumik kattunnerni avissaarnerni-luunniit nuussisoqaraluarpalluunniit, inatsisissatut siunnersuutikkut qulakkeerneqassaaq.

Siunnersuutip kingunerinavianngilaa aningaaseriviit taarsigassarsiarititigut qularnaveeqquti-tigullu il.il. annaasanik immikkoortinneqarsimannngitsunik ilanngaateqarsinnaanertik annaas-sagaat. Taamaattumik annaasat immikkoortinneqarsimannngitsut, ukiulli aningaasarsiorfiusup ingerlanerani paasineqartut, akileraartarnermi inatsisini maleruagassat nalinginnaasut naaper-torlugit ukiumi aningaasarsiorfiusumi, aningaasarsianik naatsorsueriaaseq aningaaseriviup atugaa naapertorlugu ilanngaatigineqarsinnaapput.

Siunnersuutip aamma kingunerissanngilaa nunat allat aningaasaat atorlugit taarsigassarsiariti-tatigut annaasat ilaasa, aningaasat nalingisa nikerarnerannik pissuteqartut ilanngaatigineqar-sinnaannginnissaat, annaasassanut immikkoortitat taassuma ilutigisaanik ilanngaatigitinneqar-pata.

Annaasassanut immikkoortitanik ilanngaateqartoqassappat immikkoortitat tassaassapput an-naasat, akileraartarnermi inatsisini maleruagassat nalinginnaasut naapertorlugit ilanngaatigi-neqarsinnaasut. Tamanna soorlu isumaqarpoq aningaaseriviup qularnaveeqquusiinertigut an-naasat aatsaat ilanngaatigisinnaagai, annaasat ingerlatsinermi aningaasartuutitut ilanngaatigi-neqarsinnaasutut taaneqarsinnaappata. Taamaattoqarnissaa aalajangersakkami erseqqissarne-qarpoq.

Siunnersuut taamaallaat qularnaveeqquusiisussaaffinnut, aningaaseriviit taarsigassarsiniartar-fiillu taarsigassarsisitsisarnermik ingerlataqarnerminni nalinginnaasumi pisussaaffiliussaannut pingaaruteqarpoq. Akiligassanngoratarsinnaasut allat, soorlu sallunaveeqquusiisussaaffiit qu-larnaveeqquusiisussaaffiillu suli akiligassanngorsimannngitsut akileraarutitigut suliarineqartar-nerat siunnersuummit kalluarneqartussaannngilaq.

Kiisalu siunnersuut allaffissornermi allannguutinik kinguneqassaaq. Tassa imaappoq akileraa-ruseriffiup, immikkoortitseriaatsit aningaaseriviit ataasiakkaat atussallugit toqqarsimasaat ul-lumikkutuulli immikkut nakkutigisassarissanngilai. Aningaasanilli ilanngaatigineqarsinnaan-ngitsunik ilanngaateqartoqannginnissaa akileraaruseriffiup suli nakkutigisussaavaa.

Nr. 3-mut

Aalajangersakkap kingunerissavaa akileraartartup ukiumi aningaasarsiorfiusumi aningaasarsi-ai tamakkiisumik akileraaruteqaataasussat 350.000 kr.-init ikinneruppata erniatigut isertitat, ernianut aningaasartuutit iluanaarutisiallu akileraaruserneqassanngitsut, taakku Kalaallit Nu-naata avataaneersuneersunit erniaappata iluanaarutisiaappatalu.

Kisianni erniatigut isertitat, ernianut aningaasartuutit iluanaarutisiallu Kalaallit Nunaanneersuneersut maannamutuut imm. 4 naapertorlugu akileraaruserneqartassapput.

Aalajangersagaq inunnut imm. 3-mi pineqartunut atuutinngilaq.

Nuna suminngaanneerfiat tassaavoq nuna erniatigut isertitat ernianulluunniit aningaasartuutit pinngorfiat, imaluunniit nuna selskabip iluanaarutisiaqartitsisup angerlarsimaffia.

Ilutigitillugu siunnersuutaavoq erseqqissarneqassasoq, inuk imm. 1 naapertorlugu taamaallaat tamakkiisumik akileraaruteqaataasussanik aningaasarsiaqaruni, imm. 5 naapertorlugu erniatigut isertitanik, ernianut aningaasartuutinik imaluunniit iluanaarutisianik akileraaruteqaataasussaangitsunik peqaruni, imaluunniit pigisamit aalaakkaasumit nunami allamiittumit, § 15, imm. 4-mi taaneqartumit isertitaqaruni nammineerluni nalunaarsuiffimmik akileraaruseriffimmut nassiussisussaataangitsoq. Tassa pisuni taagorneqartuniinnaq nammineerluni nalunaarsuisussaataaneq atorunnaassaaq. Pisuni allani nammineerluni nalunaarsuisussaataaneq maannamutuut atuutiinnassaaq.

Nr. 4-miit 6-imut

Siunnersuut siunnersuummi nr. 3-p kingunerisaanik allannguutaavoq.

§ 2-mut

Inatsisip 1. januar 2016-imi atortuulernissaa siunnersuutaavoq.